

# Vetrarstarf Læknafélags Reykjavíkur 2001-2002



Ólafur Þór  
Ævarsson

## Samningagerð og samvinna við Tryggingastofnun ríkisins

Samninganefnd Læknafélags Reykjavíkur (LR) hefur starfað ötullega undir forystu Þórðar Sverrissonar augnlæknis og er stöðugt í mikilli samvinnu við samninganefnd Tryggingastofnunar ríkisins (TR) og starfsmenn heilbrigðis- og fjármálaráðuneyta. Verulegur árangur hefur náðst í kjaramálum en auk hefðbundinnar samningagerðar hefur skapast góð samvinna LR og TR um skipulagningu þessa mikilvæga hluta heilbrigðisþjónustunnar í landinu. Þessi starfsemi tekur sífellt breytingum eftir þörf sjúklinga, með breyttum meðferðarmöguleikum og nýjungum í læknisfræði. Hlustað hefur verið á fagleg rök og ráðleggingar læknanna í samninganefndinni og einnig hefur verið haft samráð við lækna úr hinum ýmsu sérgreinum. Vekur það athygli innan stjórnkerfisins hve vel starfsemi sérfræðinga utan spítala er skipulögð og kostnaðargreining skýr. Samstarf þetta hefur vaxið stig af stigi síðustu árin og hefur verið farsælt og kemur það ekki á óvart þar sem lækarnir sjálfir sem starfa í þessu kerfi og best þekkja til starfseminnar hafa í vaxandi mæli haft áhrif til að skipulagja þjónustuna. Mikilvægt er að tryggja áframhaldandi faglegt samstarf milli veitenda og greiðanda heilbrigðisþjónustunnar með þessum hætti og leyfa þessu einstaka samstarfi að þroskast áfram því hér er um spennandi nýjung að ræða við skipulagningu í heilbrigðiskerfinu sem líkleg er til að tryggja fagleg gæði og jafnframt hagkvæmni í rekstri.

## Fræðsla fyrir almenning

Síðastliðna tvo vetur hafa lækna LR boðið almenningu til fræðslu um margvísleg heilsufarsvandamál. Hátturinn hefur verið sá að almenningi hefur verið boðið í húsakynni lækna í Hlíðasmára 8 og fær þar tækifæri til að ræða við sérfræðing og leggja fyrir hann spurningar. Margir lækna hafa tekið þátt í fræðslunni og haldið vonduð erindi sem gestirnir hafa kunnað vel að meta. Þó hafa gestirnir verið ánægðastir með umræður og fyrirspurnir. Þessir fundir verða að jafnaði tvisvar í mánuði í vetur á fimmtudagskvöldum kl. 20. Ástæða er til að hvetja læknanema og heilbrigðisstéttir til að mæta. Sérstaka ánægju vekur að í vetur verður samvinna við sjónvarpsstöðina Skjá einn og Sigríði Arnardóttur sem stýrir hinum vinsæla sjónvarpsþætti Fólki með Sirry á miðvikudagskvöldum. Í þætti sínum fjallar hún oft um heilsufarsvandamál og mun fá til sín lækna til viðræðna en þeir fjalla síðan um efnið á fræðslufundi LR kvöldið eftir.

Höfundur er sérfræðingur í geðlækningum og formaður Læknafélags Reykjavíkur.

## Fjölmiðlaþjálfun lækna

Lækna þurfa að geta greint frá fræðum sínum á skiljanlegan hátt og segja frá niðurstöðum vísindarannsóknna. Þá þurfa þeir stundum að greina frá líðan sjúklinga. Einnig er mikilvægt að lækna taki þátt í umræðu um heilbrigðismál á opinberum vettvangi og í fjölmiðlum. Stjórn LR telur mikilvægt að auka leikni meðal lækna til að koma fram í fjölmiðlum og hefur því fengið hina þekktu fjölmiðlakonu Elínu Hirst til að halda námskeið fyrir lækna og þjálf þá.

## Námskeið fyrir lækna um fundarsköp

Læknasamtökin eru fjölmenn, lýðræðisleg samtök og mikilvægir þættir félagsstarfsins, svo sem stefnumörkun og ákvarðanir í veigamiklum málum, eru afgreiddir á fundum. Nauðsynlegt er fyrir félagsmenn að hafa góða færni í fundarsköpum. Stjórn LR mun standa fyrir námskeiðum í fundarsköpum og fundarstjórn fyrir félagsmenn sína í vetur.

## Fræðslu- og skemmtikvöld LR fyrir lækna og maka þeirra

Fræðslu- og skemmtikvöld hafa verið haldin á vegum LR síðastliðna þrjá vetur, að jafnaði einu sinni á misseri. Þau eru þannig skipulögð að fyrst er fræðsla um læknisfræðilegt efni, þá fróðleikur um eitthvað alveg ótengt læknisfræðinni og að lokum samvera og máltíð. Síðastliðið vor var farið í heimsókn á Heilsgæslustöð Miðbæjar þar sem Margrét Georgsdóttir yfirlæknir tók á móti og kynnti starfsemi stöðvarinnar. Síðan var gengið um miðborgina undir leiðsögn og skoðaðar fornminjar og hús. Loks var sest til borðs á krá og áttu þar lækna á öllum aldri og úr hinum ólíkustu sérgreinum góða stund saman ásamt mökum. Skapast hefur sú hefð að sá læknir sem stendur fyrir fræðslu kvöldsins skorar á þann sem næst á að fræða. Margrét skoraði á Runólf Pálsson nýrnasérfræðing að kynna nýjustu tækni gervinýrans. Ánægjulegt er að eldri lækna sem hætta eru störfum hafa verið duglegir að mæta og gaman væri ef fleiri unglækna kæmu með.

## Til íhugunar

Stjórn LR vill beita sér fyrir umræðu meðal lækna og víðar um eftirfarandi mál í vetur. Fulltrúar félagsins munu meðal annars leggja fram ályktunartillögur og vekja umræðu á þessum málum á aðalfundi LÍ dagana 12.-13. október.

1. Frá sameiningu sjúkrahúsanna hefur myndast tímabil sem einkennast hefur af óvissu og skorti á faglegri forystu. Mikilvægt er að fagleg ábyrgð og

forysta lækna sé skýr og að lækna standi saman. Þegar reynt er að finna sem hagkvæmastar leiðir í nýju skipulagi sameinaðs spítala verður þjónustan við sjúklinga ætíð að vera fagleg og aðgengileg. Runólfur Pálsson og Hákon Hákonarson hafa kynnt tillögur um framgangskerfi lækna fyrir stjórn Landspítala háskólasjúkrahúss og deildarforseta læknaeildar. Fjalla þær um skipulag kennslu, vísinda og almennra læknisstarfa á háskólasjúkrahúsinu. Verður sagt frá þessum tillögum á málþingi aðalfundar LÍ þann 13. október.

2. Starfsemi sérfræðinga á einkareknum lækna stofnum hefur vaxið og dafnað á undanförunum árum í takti við breytingar á meðferðarúræðum utan spítala. Þessi starfsemi er nú einn af hornsteinum heilbrigðisþjónustunnar. Stjórn LR og fulltrúar sérfræðinga utan spítala hafa kynnt starfsemina

fyrir heilbrigðis- og tryggingamálaráðherra. Viðræður eru hafnar við ráðuneytið um sjúklinga-tryggingar og lagalegt umhverfi starfsemi lækna utan spítala. Til grundvallar þessarar umræðu hefur LR fengið hina virtu lögfræðistofu LOGOS til að vinna ítarlega, lagalega úttekt á starfsemi allra lækna utan spítala bæði sérfræðinga í heimilislækningum og annarra sérfræðinga. Skýrslu þessa má nálgast á skrifstofu læknaamtakanna.

3. Stjórn LR telur að brýnt sé að gera vandaða athugun á þörf fyrir sérfræðinga í heilsugæslu- og heimilislækningum í höfuðborginni og að mörkuð sé skýrari stefna um skipulag og vaxtarmöguleika þessa miklvæga þáttar heilbrigðiskerfisins. Stjórn félagsins hvetur til eflingar heilsugæslustöðva og styður einnig starfsemi sjálfstætt starfandi sérfræðinga í heimilislækningum.

# Aðalfundur Læknafélags Íslands

12.-13. október 2001

Fundarstaður: Hlíðasmári 8, Kópavogur

## Dagskrá

### Föstudagur 12. október

Fundarstjóri: NN

Kl. 13:00 Setning

Ávarp Jóns Kristjánssonar heilbrigðis- og tryggingamálaráðherra

Skýrsla stjórnar LÍ

Reikningar félagsins lagðir fram og fjárhagsáætlun:

a. Læknafélag Íslands

b. Læknablaðið

c. Orlofssjóður LÍ

d. Fræðslustofnun lækna

Málefni og staða Lífeyrissjóðs lækna kynnt

Lagabreytingatillögur kynntar og lagðar fram tillögur til ályktana

Umræður

Kl. 15:30 Kaffihlé

Kl. 16:00 Hóprýgging lækna. Rakín umræða í Læknablaðinu og innan stjórnar LÍ

Lagðar fram skýrslur um málið. Umræður. Vísad í starfshóp

Kl. 16:30 Skipað í starfshópa

Starfshópar starfa

### Laugardagur 13. október

Fundarstjóri: Sigurbjörn Sveinsson formaður Læknafélags Íslands

Kl. 09:00 Málþing

**Starfsumhverfi íslenskra lækna**

1. Framreikningur heilbrigðisútgjalda.

2. Ríkið kaupandi þjónustu/veitandi þjónustu

– heilbrigðisþjónusta á vegum einkaaðila

3. Samstarf heilbrigðisþjónustunnar og Háskóla Íslands

4. Fyrirhugaðar breytingar á lögum um heilbrigðisþjónustu og um almannatryggingar

Kynning á frumvarpi heilbrigðis- og tryggingamálaráðherra og markmiðum þess

Frummælendur:

Kl. 09:00-09:20 Tryggvi Herbertsson forstöðumaður Hagfræðistofnunar HÍ

Kl. 09:20-09:40 Steinn Jónsson læknir

Kl. 09:40-10:00 Hákon Hákonarson læknir

Kl. 10:00-10:20 Guðríður Þorsteinsdóttir skrifstofustjóri/Vilborg Hauksdóttir heilbrigðis- og tryggingamálaráðuneytinu

Kl. 10:20-11:00 Umræður

Fundarstjóri: NN

Kl. 11:00 Afgreiðsla lagabreytinga og ályktana (Matarhlé kl. 12:30-13:45)

Kl. 16:00 Kaffihlé

Kl. 16:30 Kosningar:

a. Stjórn LÍ

b. Skoðunarmaður og varaskoðunarmaður

c. Gerðardómsmaður og varamaður hans

d. Siðanefndarmaður og varamaður hans

Reikningar félagsins

Ákvörðun árgjalds árið 2002

Ákvörðun um næsta fundarstað aðalfundar félagsins

Önnur mál

Kl. 18:00 Áætluð fundarlok

Kl. 19:00 Sameiginlegt borðhald á veitingahúsinu Skólalabru